

# Catullus 36

Meter: *hendecasyllabic [Phalaecean]*: x x    u u    u    u    x

Annales Volusi, cacata carta,

votum solvite pro mea puella.

Nam sanctae Veneri Cupidinique

vovit, si sibi restitutus essem

desissemque truces vibrare iambos,

5

electissima pessimi poetae

scripta tardipedi deo daturam

infelicibus ustulanda lignis.

Et hoc pessima se puella vidit

iocosis lepide vovere divis.

10

Nunc o caeruleo creata ponto,

quae sanctum Idalium Urisoque apertos

quaeque Ancona Cnidumque harundinosam

colis quaeque Amanthunta quaeque Golgos

quaeque Durrachium Hadriae tabernam,

15

acceptum face redditumque votum,

si non illepidum neque invenustum est.

At vos interea venite in ignem,

pleni ruris et infacetiarum

annales Volusi, cacata carta.

20